

度北部傳來之美術甚少攙雜中土作派也又有泥塑人像出于闐北特爾格拉木頭甚大有鬚腦後有木軸遺痕爲貫串身軀之具一爲紅泥質裸體人像又有佛像大小共約百餘塊其他若泥製玩具及鳥獸像亦復甚多

### 十一漆木器

漆器爲余十九年春在羅布淖爾所得者有漆杯一麻布胎爲朱墨攙繪爲花紋爲古時飲酒之用與木簡同地出土當亦爲西漢故物漆碗有柄已破與車師陶器形式相同想亦爲漢代之物又漆矢竿一根亦與漆杯同地出土上有卅六二字諒亦爲西漢之遺物也又木器出於巴楚九台之古塚中爲陶器之蓋有彩色同時發現一陶器以木蓋覆之適合